



Gledilega hátíð!

Lengri opnumartími yfir jólin

17. - 22. desember	kl. 10 - 22
23. desember	kl. 10 - 23
24. desember	kl. 10 - 12
27. desember	kl. 12 - 17

NETTÓ



Fréttabréf Lindasóknar

4. tbl. 2. árg. Aðventa og jól 2003

Áb.: Sr. Guðmundur Karl Brynjarsson sími 864 0554

Safnaðarheimili Uppsölum 3 sími 544 4477 • netfang: guðmundurkarl@kirkjan.is



Aðventa og jól í Lindasókn 2003

7. DES. ANNAR SUNNUDAGUR Í AÐVENTU.

kl. 11.00 Sunnudagaskóli í Lindaskóla

Gilwell skátar færa söfnuðinum friðarljósið frá Jerúsalem.

Glersalurinn kl. 20.00

Aðventukvöldvaka Kórs Lindakirkju.

14. DES. ÞRIÐJI SUNNUDAGUR Í AÐVENTU.

kl. 11.00 Guðsþjónusta og sunnudagaskóli í Lindaskóla

Sr. Sigurjón Árni Eyjólfsson héraðsprestur þjónar.

Unglingar í 10. bekk Lindaskóla standa fyrir myndarlegum jólakökubasar að athöfn lokinni.

21. DES. FJÓRÐI SUNNUDAGUR Í AÐVENTU.

kl. 11.00 Sunnudagaskóli í Lindaskóla

24. DES. AÐFANGADAGUR JÓLA.

kl. 16.00 Jólakvöld fjölskyldunnar í Lindaskóla

Kór Salaskóla syngur, engill kemur í heimsókn.

Börnin fá svolitinn jólaglaðning í lok stundarinnar.

kl. 18.00 Aftansöngur í Lindaskóla

25. DES. JÓLADAGUR

kl. 11.00 Hátíðarmessa í Lindaskóla

Sr. Sigurjón Árni Eyjólfsson, héraðsprestur þjónar.

31. DES. GAMLAÁRSDAGUR

kl. 11.00 Hátíðarguðsþjónusta í Lindaskóla





Aðventukvöldvaka Kórs Lindakirkju í Glersalnum

Næstkomandi sunnudag, 7. desember, sem er 2. sunnudagur í aðventu heldur Kór Lindakirkju aðventukvöldvöku kl. 20 í Glersalnum. Sungnir verða jólasöngvar frá ýmsum löndum og frá ýmsum tímum, auk þess sem lesin verður jólasaga og sr. Guðmundur Karl Brynjarsson flytur hugvekju. Stjórnandi Kórs Lindakirkju er Hannes Baldursson en Svanhildur Sveinbjörnsdóttir syngur einsöng með kórnum á tónleikunum.

Söfnun fermingarbarna

Þriðjudaginn 4. nóvember tóku fermingarbörn í Lindasókn þátt í Landsöfnun fermingarbarna á vegum Hjálparstarfs kirkjunnar. Gengið var í hús með bauka og safnað fyrir ungt fólk í Afríku. Áður höfðu fermingarbörnin fengið fræðslu um starfsemi Hjálparstarfsins og heimsókn frá þeim Salómon og Irene frá Pókot héraði í Kenýa. Með þeim í för var Leifur Sigurðsson kristnibódi sem túlkaði. Margt af því sem Kenýabúarnir höfðu frá að segja kom fermingarbörnunum mjög á óvart og spunnust fjörugar samræður í fermingartímunum eftir að þau höfðu flutt mál sitt.

Söfnunin gekk afar vel. Í Lindasókn einni söfnuðust 133.600 kr. en 5,5 milljónir á landsvísu. Hjálparstarf kirkjunnar vill hér með koma á framfæri þökkum til fermingarbarnanna sem tóku þátt í söfnuninni og íbúa í Lindasókn sem tóku þeim vel.



Alfa 2

Líf á nýjum nótum

Undanfarin tvö misseri hafa verið haldin svokölluð Alfa-námskeið á vegum Lindasóknar. Um er að ræða fullorðinsfræðslu um grunnatriði kristinnar trúar. Eftir áramót verður boðið upp á svokallað Alfa 2. Það skal tekið fram að ekki er um beint framhald að ræða af Alfa-námskeiðunum heldur viðbót. Kennd verður bókina *Líf á nýjum nótum*, eftir Nicky Gumbel. Kennit verður annað hvert miðvikudagskvöld frá 21. janúar. Alfa 2 verður nánar auglýst þegar nær dregur.



Skírnir

Ívar Andri Hannesson var skírður heima í Suðursölum 14 þann 18. október. Hann er sonur hjónanna Sigríðar Gylfadóttur og Hannesar Haukssonar. Ívar Andri á tvær stórar systur, þær Guðlaugu Eddu 9 ára og Stefáníu Ýr 4 ára.

Eva María Birgisdóttir var skírð 19. október heima í Blásölum 3 á afmælisdegi Sóleyjar systur sinnar sem varð 8 ára þennan dag. Elsta systirin, Bryndís 13 ára hélt á Evu Maríu undir skírn. Foreldrar þeirra eru Kristjana Schmidt og Birgir Gíslason.

Rakel Friðbertsdóttir, sem býr í Fjallalind 14 var skírð í Hjallakirkju 26. október. Foreldrar hennar eru María Gunnarsdóttir og Friðbert Guðmundsson. Systkini Rakelar eru Helena 4 ára og Eyþór 16 ára.



UNGLINGAÐEILD KFUM&K Í LINDASÓKN

Lindasöfnuður er í samstarfi við KFUM&K um kristlegt eldri barna og unglingastarf. Tíðindamaður Fréttabréfsins leit nýverið inn á jólafund hjá unglinga-deildinni í Safnaðarheimili Lindasóknar. Þar var mjög létt yfir mannskapnum og allir komnir í jólaskapið. Leiðtogar í unglingastarfinu eru Erla Guðrún Arnmundardóttir, Gunnar Thomas Guðnason og Haraldur Guðjónsson, sem jafnframt er starfsmaður KFUM&K og ekur Lundúnastrætisvagninum, sem vakið hefur athygli á götunum. Margt skemmtilegt hefur verið gert það sem af er vetri, boðið er upp á fjölbreytta dagskrá á fundunum í safnaðarheimilinu og stundum farið í stuttar ferðir með Lundúnavagninum. Meðal annars var eitt kvöldið



ALLIR KOMNIR Í JÓLASKAP.



ÁRNA OG HALLA FANNST SKEMMTILEGAST Í ÍSFERÐINI.

farið í ísleiðangur og í heimsókn í unglingastarfið í Digraneskirkju, auk þess sem efnt var til miðnæturiþróttamóts í Vatnaskógi nýverið.

Að öllu jöfnu eru unglingafundirnir á miðvikudagskvöldum kl. 20-22 og eru allir unglingar á aldrinum 14-16 ára velkomnir. Í haust var eingöngu nemendum 9. og 10. bekkjar boðið að taka þátt en með hækkandi sól á nýju ári verður fermingarbörnum vorsins boðið að slást með í hópinn. Unglingaedeildin er komið í jólafrí en hefst að nýju 7. janúar.



LEIÐTOGARNIR GUNNAR, ERLA GUÐRÚN OG HARALDUR.

Jólastund fjölskyldunnar Klukkan FJÖGUR á AÐFANGADAG!

Allir kannast við spenning yngri kynslóðarinnar á aðfangadag og eftirvæntinguna eftir að jólin gangi í garð. Oft er eirðarleysi barnanna nokkuð mikið og ekki svo einfalt að dreifa huganum. **Jólastund fjölskyldunnar** kl. 16 á aðfangadag er mjög góður kostur fyrir þá krakka og hentar einnig fjölskyldum með ung börn. Stundin verður haldin í Lindaskóla kl.16. Kór Salaskóla syngur undir stjórn Ragnheiðar Haraldsdóttur, engill kemur í heimsókn, Jólaguðspjallið verður lesið og hver veit nema að kunnuglegir gestir úr sunnudagaskólanum láti sjá sig. Í lok stundarinnar fá börnin litinn jólaglaðning frá Lindasókn.



Bæjarlind 1 • Sími 544 5566



Kópavogsbær

INNROMMUN KÓPAVOGS

Hlíðarsmára 11
Sími 555 7650 • Fax 555 7651